

赤水玄珠

卷四

諸縉紳名家贈文

贈太醫東宿孫君序

蓋士君子有濟世之心者必託經世之術以運之遇不遇無論也何也得時而駕則宇內之休戚利害隱然共之視其患若切於身之疾痛疴癢不措之安全不止此士君子之心得位以行之者也不幸不獲遇澤不及物而心不得施有志君子往往懷其道而隱於醫故是昔人謂濟人利物無位者不能惟醫以救死扶生爲功故業之者可以推不忍之心及於物而於道有益有味乎其言之也然醫豈易言哉吾聞其宗旨自內經本草以來書之藏於有司者一百七十九家非博通鉅儒超悟

上哲顯攻其業何能探討洞明其陰陽寒熱靜燥虛實消息盈縮之奧而措之行事夫人之待命於醫生死攸係廼以未諳淺薄者嘗試之其不賊人之命者幾希醫以濟人至於賊人可不畏耶此醫之所以難言也余頃多病謁告山居嘗嘆濟物之衷未措於用顧思延醫以求濟其身然而醫之良者苦不一遇也廼壬申秋仲吳君柳溪譚新安海陽有孫君東宿者醫可謂稱良矣余亟請而相印證之耳其論風濕乎素難之旨而表裏夫張劉孫李丹溪伯仁諸家其視余疾也未投藥先譚余之經絡色脉機能與受病之自卽勿藥而余病爽然若失及詳察其端方之度沉著之思淵淵之閫奧則杳焉

莫竟其涯非所謂深於道而隱於醫者耶余因詰之曰
神農嘗百草先天而命之藥黃帝岐伯後天而著之經
此天以神授聖以神符不可及矣嗣後若和扁華佗淳
于意仲景思邈河間東垣朱滑莫不簞弄化機制人命
於掌上術亦神也何今之事是業者不能踵其芳躅耶
抑世代之不同也孫君勃然曰古今人非不相及用心
殊爾宋儒有言古之仕者爲人今之仕者爲己不佞亦
謂古之醫者爲人今之醫者爲己道不同而受病一也
夫士君子之視天下與吾身血脉相流通天下病若病
癢之切身天下安則愜然而無恨雖以道爲藥石者其
濟宋以醫爲道術者其濟狹其心一也故古之醫也以

救死扶生爲心其業專而用方也慎專則精而造詣入
室慎則審而投藥奏功此和扁諸名家所以悉臻秘妙
稱神奇今之醫則異是也將以市利非以濟人黃岐以
來諸書非不剽竊以資口說迺其心則寔胡越一膜視
天下率以利之盈詘爲心之重輕人之濟與否若與吾
術不相關此何以比古人而接其芳躅哉不佞奎何能
造古賢哲之闢與第無愧於此心爾余聞而喟然嘆曰
孫君充是心而行是術其將大有裨於時矣雖隱而亦
顯也因次其語而歸之爰以訂夫業是術者是爲序

晉

萬曆癸酉中穰日吳江孫質庵從龍敬書於符丸草堂

醫案三吳治驗六卷目錄

萬曆龍飛二年吳小峰小川目疾

萬曆甲戌沈中丞案二

張孝廉後渠大頭疫三

吳江孫行人痛風四有發明

鄭都諫公子痘五有發明

張文學子心病虛弱六有發明

大宗伯董潯陽翁脾胃疾七有發明

董龍山夫人便血八

馬厨瘡痢併發九有發明

吳肖峰令政腹痛十有發明

大光祿寵太夫人寒熱頭痛飽悶 十一

光祿公痰火脇痛 有發明 十二

張思軒 夫 心痺 有發明 十三

馬迪庵公內傷腹脹大小便不利 有發明 十四

潘大司馬腸風 十五

馬鳳林內子隱疾 有發明 十六

舜田臧公氣虛中滿 十七

金谿令君臧老夫人大頭疫 有發明 十八

潘見所公半身不遂 有發明 十九

見所公白濁 有發明 二十

凌夫人孕 二十一

金元岩合脊產後痢

二十二

沈別駕夫人產後發熱

二十三
有發明

吳太夫人白帶

二十四

吳北海令政經行四肢壘又發塊紅紫

二十五

周芻王白濁

二十六

竹匠婦妊娠吐血胸腹脹痛

有發明
二十七

李妓夢遺咳嗽

二十八

金妓時疫

二十九

曹鏗胸膈不暢

三十

李雙痛風

三十一

沈別駕門下老僕三陽合病

三十二
有發明

蔡中林內人陽明少陽合病 三十三

吳九宜先生早晨泄瀉 三十四

沈大官左膝腫痛不能起止 三十五

沈繼庵下痢脫肛 內人乾霍斃 三十五

沈晴岳先生五更耳鳴 三十六

潘景宇內人頭痛作瀉 三十七

臧六老上吐血下瀉血 三十八

臧氏婦臍邊痛下痢紅白 三十九

丁耀川令堂吐血左髂肛門互換作痛 四十

丁文學令姊暈厥 四十一

金良美咳嗽吐紅潮熱右脇不能卧 四十一

倪五娘子口眼歪邪 四十三

王祖泉令政頭痛惡寒汗出如雨 四十四

溫巽橋子婦帶下 四十五

溫一渠內人血虛咳嗽 四十六

溫巽橋二令媳產後右脇脹痛白帶如膿 四十七

溫天衢病目吐血 四十八

張二娘子孕七月嘔吐不止 四十九

王敬泉內眷痰嗽腹脹 五十

溫南溪內人大便秘結 五十一

陳春野公令愛丁奚疳症 五十二

潘敬空令媳血下筋膜如手大者一二桶 五十三

張懷赤公早晨洩瀉下元虛寒 五十四

臧七房二老夫人痢 五十五

蔡樂川令眷頭痛如破 五十六

周蘆汀廼眷胃脘痛 五十七

醫案一卷

明新安生生子孫一奎文垣甫輯

門人余煌

子

泰來

朋來

仝閱梓

三吳治驗

萬曆龍飛二年小春月子始遊苕之東雙林於時族兄吉
泉之友吳小峰與其弟小川俱病日專科者愈治愈重
其自始紅腫次加太陽痛繼則白星翳疊出予不以目
科名而識者稱予大方因謀於吉泉曰醫以通變爲良
昔秦越人過邯鄲聞貴婦人則爲帶下醫過雒陽聞周

人愛老人則爲耳自痺醫聞東宿君國手也必能隨俗
爲變願一言去吾兄弟日疾吉泉邀予余曰嘉靖間論
醫者必首西吳如周仲仁氏凌漢章氏王賓湖氏者皆
擅一時名其家世必有傳也何需於予吉泉曰渠家慕
弟久矣且其尊人受博士易爲西吳名家弟好易幸一
往藉此爲談易地母遙眖其脉小峰之脉濡而緩大兩
目血縷直貫瞳人薄暮則疼小川之脉皆洪大鼓指黑
珠有浮翳癰隱澁難開大小便皆不利故於小峰用補
先以清肝散與之夏枯草五錢香附四錢甘草一錢五
分細茶五分以徹其痛藥兩進而痛止繼用人參白茯
苓熟地黃枸杞子桂心牛膝破故紙白芍藜牡丹皮服

八日而愈於小川用瀉內用瀉肝湯及當歸龍會丸外用象牙冰片爲末點之七日全愈其尊君我峰翁喜詣予曰二目均病年同齒染同時諸醫同治而同不愈先生一補一瀉而二病均愈何哉余曰此陰陽虛實之辨也經云實者正治虛者從治令姪之症惟厥陰肝火熾盛肝嘗有餘有餘者瀉之正治也卽君下虛又爲怒所激怒則火起於肝肝爲藏血之地故血絲貫瞳人而薄暮作痛方用夏枯草香附爲君疏其肝氣經云肝苦急急食甘以緩之故用甘草爲臣茶能清頭目用以爲使先爲去此痛經又云水流濕火就燥故復用甘溫補其下元之虛俾火得歸原此從治也若用苦寒降火之劑

三男
六卷
二
不惟血凝而痛加抑且激其火而使愈熾矣我峰聞之
語人曰孫君本陰陽而治寒熱是用易爲醫也故補者
補効攻者攻効語曰不知易者不可以爲太醫孫君神
於易而於醫乎何有願於吾茗懸一壺也余哂之謂昔
韓伯休且不欲人間知其名余又何壺之可懸哉

萬曆甲戌其年自仲秋徂冬瘡子盛行三月內予所治男
婦嬰孩共七十二人茗之望族沈最著大中丞觀頤公
當考功時幼君瘡喘嗽不寧聲啞發熱洩瀉斑紫不斂
予以小無比散愈之夫人妊腹痛昏厥者五日名醫如
高陳二公者沈姻婭無巨細悉任之亦不能措手予至
診之兩手脉皆洪大法當下眾僉以妊難之子曰經云

有故無殞亦無殞也姪已九月將解卽胎動奚傷若當
下不下不獨其痛難忍而變且不測考功是予言而請
藥予卽用小承氣湯加蘓梗砂仁下之而安考功偶冒
風頭痛倦怠發寒熱如瘧脉浮絃而數予曰此小柴胡
湯症也一劑而瘥考功請告家居者二十年篤好方書
予初之茗茗人未知予考功聞予亟欲識之謂予治病
甚奇又與予論傷寒痘疹胎產皆中窾深然之語人曰
良相良醫等爾如孫君所詣卽千金不足爲其重特撰
醫說書於冊以不朽孫君云

張孝廉後渠丁年患大頭疫頭大如斗不見項唇垂及乳
色如紫肝昏憤不知人事見者駭而走其年疫甚癘人

畏傳染至廢吊慶張與考功公子同受春秋於會稽陶
春源所陶邀予診之其脉皆浮絃而數初以柴胡一兩
黃芩立參各三錢薄荷連翹葛根各二錢甘草一錢服
二三劑寒熱退絃脉減但洪大予知其傳於陽明也改以
黃芩一兩葛根天芑粉各三錢甘草一錢黑豆四十九
粒一劑腫消其半再劑全消漿粒不入口者二十一日
再與小柴胡湯兩劑服之始納乾糕如指者兩條次日
進粥而漸平矣丁酉秋聞報捷

三

吳江孫質庵老先生行人時患痛瘋兩手自肩顫及曲池
以至手梢兩足自膝及跟尻腫痛更甚痛處熱飲食少
請告南還而伏蓐者三年里有吳君九宜者沈考功西